



Mathomong a Hlolego ya

LEFASE

MAPULA MARTHA MALATJI

Diswantšho ka Jonanda Kannemeyer

MATHOMONG A HLOLEGO YA LEFASE

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776475803

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladíswantšho: Jonanda Kannemeyer
Morulaganyi: Elizabeth Phala
Motlanyi: Imprint Publishing

Dikanegelo Tša Beibele
TESTAMENTE YA KGALE


GENESE 1 le 2

Mathomong a Hlolego

LEFASE

Mo letšatšing la mathomo, Modimo o hloedile legodimo le lefase. Lefase le be le sa dulwe le sena selo. Bodiba bjo bogolo bo be bo pipilwe ke leswiswi. Moya wa Modimo o be o akaletše ka godimo ga meetse. Gomme Modimo a laela a re: "A go be le seetša."

Ge a bona seuwe, a thaba. O ile a aroganya seetša le leswiswi. Gomme seetša sa bitšwa mosegare, le leswiswi A le bitša bošego. Ya ba mantšiboa, gomme gwa ba mesong.



Letšatšing la bobedi, Modimo a
aroganya meetse ka mafelo a mabedi.
Meetse a ka godimo a be a le
leratadimeng gomme meetse a ka tlase a
be a le lefaseng. Ya ba mantšiboa, gomme
gwa ba mesong.


Ka letsatši la boraro Modimo o rile “a meetse a ka fase ga legodimo a kgobokane mmogo lefelong le tee, gore naga ye e omilego e hlage.” Modimo o biditše naga ye e omilego “Lefase”, gomme a bitša go kgobokana ga meetse “Mawatle”. Modimo o ile a bona gore go botse.

Ke moka Modimo a re: “Lefase a le tšweletše bjang le dimela tše di tlogo dira dipeu, le dihlarere tše di tlogo enywa dienywa.”, gomme gwa ba bjalo. Ka gona lefase le ile la tšweletša mehuta ka moka ya dimela, dipeu le dienywa le mehlare. Modimo a bona go le botse. Mantšiboa a fihla, meso ya latela.






Ka letšatši la bone Modimo o ile a laela gore go be le mabone leratadimeng go aroganya mosegare le bošego. Ka gona Modimo a dira mabone a mabedi a magolo: letšatši gore le buše mosegare le ngwedi gore o buše bošego; a dira dinaledi. Modimo o ile a bona gore e be e le mo go botse. Gwa ba mantšiboa gomme gwa ba meso.



Ka letšatši la bohloano Modimo o ile a laela gore meetse a tšweletše dibopiwa tše di phelago tša go swana le tšona, gomme leratadima le swanetše go tlala dinonyana.

Gomme Modimo a hlola maruarua a magolo, le sebopiwa se sengwe le se sengwe sa lewatle go ya ka mehuta ya tšona, le dinonyana ka moka tša maphego go ya ka mehuta ya tšona. Yena a bona go le botse, a di šegofatša ka moka. A botša dihlapu gore di ate gomme di tlatše lewatle, gomme A botša dinonyana gore di ate. Gwa ba mantšiboa, gwa ba meso.








Ka letšatši la botshelela Modimo a re: “Lefase a le tšweletše diphedi tša mehuta yohle, diruiwa le diphoofolo tša lešoka, le digagabi gwa direga bjalo. Ka gona Modimo a di dira ka moka gomme a kgahlwa ke tše a di bonago.

Ke moka Modimo a re: “A re direng motho ka seswantšho sa rena. Ba tla laola dihlapu, dinonyana, diruiwa, diphoofolo tša naga le tšohle tše di gagabago mo lefaseng.” Ka gona Modimo a hlola motho ka seswantšho sa gagwe. O ba dirile e monna le e mosadi a ba šegofatša gore ba be le bana ba bantši.

O ile a bea monna gore a hlokomele dihlapu, dinonyana, dibata le diphedi ka moka mo lefaseng. A ba fa peu yeo e nago le dimela le sehlare se sengwe le se sengwe seo se enywago dienywa, e be dijo. Ke moka A re, “Tswalang le ate.” Modimo o ile a bona tšohle tše a di dirilego, gomme, bona, e be e le tše botse kudu. Mantšiboa a fihla, gomme gwa latela meso.





Ka letšatši la bošupa,
Modimo o ile a fetša
mošomo wa gagwe
gomme a khutša. Ka gona
Modimo a šegofatša
letšatši la bošupa gomme
a le dira le le Kgethwa.

Thapelo

Ditheto, ditebogo le ditumišo di go swanetše Modimo Tate. Re rute go hlokomela tšeo o di hlodilego.

Amen.

Dipotšišo

1. Go tšere Modimo matšatši a makae go hlola tšohle lefaseng?
2. Naa Modimo o be a šomiša eng go hlola dilo ka moka?
3. Ge o ka hlakanya 2 le 3, o goroga go letšatši la bokae la hlolego ya lefase?
4. Modimo o hlotše motho ka letšatši la bokae?
5. O rata seenywa sefe?
6. Boledišanang le morutiši gore bošego le mosegare di fapaana bjang.

Mošemane Lekgwathi

Mo letšatšing la pele ke ya sekolong moo ke hwetšago seetša sa thuto. Se ke sa se kwešišego ke botšiša morutiši. Ke nyaka go ba morutiši ge ke gola. Ke hlapa ka mehla, ke rapela ka mehla pele ke robala.

Mo letšatšing la bobedi pele leswiswi le swara, ke dira mešongwana ya sekolo ka e fetša ka ja. Ga ke lebale go leboga batswadi ka go ntlhokomela.

Mo letšatšing la boraro ke nošetša mehlare ya merogo ye e bjetšwego sekolong. Gae ka nošetša mehlare ya dinamune le diperekiši. Tšona di mpha moriti ka se fišwe ke letšatši.



Mo letšatšing la bone, mola bomma ba sa ile merapelong, ke tšea bebele ka bala, ka opela difela tše re di opelago sekolong. Morago ke bala dipuku tša sekolo.

Mo letšatšing la bohloko ge ke boya sekolong ke fa dikgogo dijo. Di šetše di atile, di re fa mae le nama. Dimpya di hwetša marapo le nama ye ke e šadišitšego.

Mo letšatšing la boselela ke ya go diša dihuswane tša gešo mola mme a nhlatswetša diaparo.

Mo letšatšing la bošupa ke ya kerekeng le batswadi, ka kopana le bagwera go tumiša Modimo. Ke botša batswadi ka seo ke ithutilego sona kerekeng. Morago ga dijo ke boeletša dithuto ka thušo ya batswadi. Ke leboga Modimo ka bona.



Thapelo

Tatawešo wa magodimomg, re kgopela gore o re fe bokgoni bja go dira dilo ka lenaneo la go go kgahla le go thabiša batswadi ba rena.

Amen.

Dipotšišo

1. Ge o ka fokotša matsšatši a mabedi a lenaneo go tla šala a makae?
2. Lekgwathi o nyaka go ba eng ge a gola?
3. Bolela gore Lekgwathi o dira eng ka letšatši la bošupa.
4. Naa batswadi ba Lekgwathi ba tsena kereke?
5. Boledišanang le morutiši ka mohola wa go ba le lenaneo la letšatši le letšatši.

Sešego sa mantšu

Seetša = lesedi

Ata = ntšifala

Lefaufau = sebakabaka

Digagabi = diphedi tša go sepela ka dimpa

Mathomong a Hlolego ya Lefase ke ye nngwe ya dipuku tše 20 tše di bontšhago dikanegetlo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku_1



Puku_2



Puku_3



Puku_4



Puku_5




Puku_6




Puku_7



Puku_8



Puku_9



Puku_10




Puku_11




Puku_12



Puku_13



Puku_14




Puku_15



Puku_16




Puku_17



Puku_18



Puku_19



Puku_20

Mathomong a Hlolego ya Lefase

Kanegelong ye, re ithuta ka fao Modimo a hlotšego lefase, leratadima, dibopiwa ka moka, tše kgolo le tše nnyane le ka fao a hlotšego monna le mosadi ba mathomo. Kanegelo ya Hlolego ya Lefase e re gopotša ka fao Modimo a makatšago ka gona!

Mošemane Lekgwathi

Kanegelong ye re tlo ithuta ka fao Lekgwathi a tšerego sephetho sa go thoma lenaneo ka ga seo a tlogo se dira ka mehla. Re tla ithuta ka mehuta ya dilo tšeo a di dirago ka gae le sekolong. Re tla ithuta gape ka ga lelapa la gabo, le ka lerato la gagwe mo dilong tša hlolego.



9781776475803

Sepedi